

## ¡BOMBA!

Donald Trump, invenciendo conquistar el mundo espera; cual cuento de la lechera, sus fotos van a lo inundo



# K'intsil

Miércoles 21 de enero de 2026

CAMPECHE · YUCATÁN · QUINTANA ROO · AÑO 11 · NÚMERO 2647 · [www.lajornadamaya.mx](http://www.lajornadamaya.mx)

## Parque Nacional Tulum



Comisión Nacional de Áreas Naturales Protegidas · Seguir

Comisión Nacional de Áreas Naturales Protegidas · Audio original

¡Jaguar (Panthera onca) a la vista! 🐆

... Ver más

STEALTH CAM

01:32 11/05/2025 21 °C

STEALTH

Oochel Facebook Conap

## Béeychaj u ch'úukt ila'al juntúul báalam ma' náach ti' u yúuchben kaajil Tulumí'

U múuch'il Grupo de Vigilancia y Monitoreo Comunitario ti' u kúuchil Parque Nacional Tulum, ikil táan u múul meyaj yéetel Comisión Nacional de Áreas Naturales Protegidas (Conanp), béeychaj u táabsik tuka'atéen juntúul báalam, kex 200 meetroo'ob ti' u yúuchben kaajil Tulum. Yéetel le je'elo' ku ka' chikbesa'al u k'a'ananil u kaláanta'al k'aax ti' u pe'echak' wíinik ich Área Natural Protegida yaan te'elo'.

U mola'ayil Conanpe' tu k'i'itbesaj ti' reedes sosyaales ba'ax tu yilaj. Meyajo'ob ku taal u beeta'al ti'al u kaláanta'al u kuxtalil lu'ume' táan u chiikbesik u k'a'ananil, tumen ba'alchee' láayli'

táan u yutsil yantal tu'ux suuk u kuxtal, ts'o'oke' le te'el baantao' ya'ab ajxiinximbal máako'ob ku koojoli'. Tu k'iinil 11 ti' mayo ti' u ja'abil 2025 ka'aj yaax ila'ab báalam te'elo'.

Yóok'olal le je'ela, Mario Buil, máax jo'olbesik Comité de Vigilancia, Protección y Conservación del Jaguar (BKW), tu ya'alaj u k'a'ananil u beeta'al xaak'alo'ob ti'al u yojéelta'al tu beel jach bix yanik u kuxtal báalam te'el lu'umilo'. "Unaj u yantal uláak' meyaj'o'ob yéetel footoo-trampeo, ka káajak Xcacel tak Reserva de la Biosfera de Sian Ka'an, ba'ale' ka máanak xan Parque Nacional Tulum yéetel Parque del Jaguar", tu ya'alaj.

Bulle' tu tsolaj k'aaxo'ob kaláanta'ane' nuupul yanik yéetel k'a'anan ti'al kuxtal yaan. "Parque Nacional yéetel Reserva de la Biosfera de Sian Ka'an, Parque del Jaguar yéetel ANP ti' u kaajil Xcacel nuupultako'ob. Le beetik k'a'anan u yojéelta'al jaytúul báalamo'ob yaan, ba'axo'ob ku jaantik, yéetel u kaláanta'al ma' u k'askúunta'al tu'ux ku yantalo'ob", tu ya'alaj.

Kex tumen walkila' ku tukulta'an báalamo'ob tu noj lu'umil México ku chukik kex 5 mil 300 u túulale', Bulle' tu ya'alaj lelo' ma' u k'áat u ya'al wa ma' sajbe'entsil yanik u ch'éejeli'.